

Na osnovu člana 5. Zakona o Vladi Tuzlanskog kantona ("Službene novine Tuzlanskog kantona", br. 17/00, 1/05, 11/06, 13/11 i 15/17) i člana 6. Zakona o novčanim podrškama u poljoprivredi i ruralnom razvoju Tuzlanskog kantona ("Službene novine Tuzlanskog kantona", br. 8/14, 2/16, 4/18, 12/20 i 10/24), na prijedlog Ministarstva poljoprivrede, šumarstva i vodoprivrede Tuzlanskog kantona, uz prethodno pribavljeno mišljenje Komisije za poljoprivredu, vodoprivredu i šumarstvo Skupštine Tuzlanskog kantona broj: 02-02-349-2/24 od 12.07.2024. godine, Vlada Tuzlanskog kantona, na sjednici održanoj dana 19.07.2024. godine d o n o s i

PROGRAM

novčanih podrški u poljoprivredi i ruralnom razvoju u 2024. godini

I

Programom novčanih podrški u poljoprivredi i ruralnom razvoju u 2024. godini (u daljem tekstu: Program) određuje se visina sredstava za pojedine modele novčanih podrški, kriteriji za ostvarivanje prava na novčanu podršku i plan raspodjele sredstava po oblastima i vrstama novčanih podrški.

II

Sredstva iz tačke I Programa, utvrđena su u Budžetu Tuzlanskog kantona (u daljem tekstu: Kanton) za 2024. godinu, potrošačka jedinica 14010002, razdjel 14, glava 01, potrošačko mjesto 0002 - "podrška poljoprivredi i ruralnom razvoju" u ukupnom iznosu od 13.800.000,00 KM.

III

Programom se vrši realizacija mjera novčanih podrški po modelu podrške proizvodnji i dijelu mjera strukturne politike koje trebaju doprinijeti ispunjavanju sljedećih ciljeva:

- a) omogućiti konkurentnu poljoprivrednu proizvodnju,
- b) povećati zapošljavanje u oblasti poljoprivrede,
- c) povećavati broj komercijalnih gazdinstava,
- d) stabilizaciju domaćeg tržišta poljoprivrednih proizvoda,
- e) doprinijeti ublažavanju i prilagođavanju utjecaja klimatskih promjena.

IV

Opći kriteriji koje moraju ispuniti fizička i pravna lica (u daljem tekstu: korisnici) da bi ostvarili pravo na novčanu podršku su:

- da su registrovani kao pravna osoba, obrt, porodično poljoprivredno gazdinstvo, registrovani kao udruženje, savez, zadruga,
- da su upisani u Registar poljoprivrednih gazdinstava ili Registar klijenata i Registar pčelara i pčelinjaka za klijente koji se bave uzgojem pčelinjih zajednica,
- da su u općinskoj/gradskoj službi izvršili ažuriranje podataka do roka propisanog u Pravilniku o upisu u RPG i RK, i Pravilniku o pčelarstvu za klijente koji se bave uzgojem pčelinjih zajednica,
- da imaju prebivalište, odnosno sjedište na teritoriji Kantona,
- da ostvare neku od poljoprivrednih proizvodnji ili poljoprivrednu djelatnost iz tačke V Programa u periodu od 31.10.2023. godine do 31.10.2024. godine na području Kantona,
- da su ispunili poreske obaveze za prethodnu godinu,
- da su ispunili obaveze po osnovu ugovora o zakupu ili ugovora o dodijeljenoj koncesiji za korištenje državnog poljoprivrednog zemljišta,
- da ispunjavanju uvjete propisane Pravilnicima o ostvarivanju novčanih podrški po modelima novčanih podrški (u daljem tekstu: Pravilnici),
- da su ostvarili pravo putem žalbe,
- da im je rješenjem, koje zbog administrativnih poteškoća nije realizovano, odobrena novčana podrška u skladu sa Programom za prethodne godine.

Korisnicima koji imaju registrovan obrt bit će obračunat 20 % veći iznos novčane podrške po jedinici mjere u odnosu na visinu novčane podrške planiranu ovim Programom u okviru modela podrške proizvodnji za animalnu i biljnu proizvodnju.

V

Pored općih kriterija iz tačke IV ovog Programa, korisnici moraju ispunjavati i sljedeće kriterije za pojedine oblasti, odnosno vrste proizvodnji:

A) MODEL PODRŠKE PROIZVODNJI

1. Biljna proizvodnja

- 1.1 Proizvodnja merkantilnog kukuruza – korisnici koji zasiju od 1 do 1,99 ha merkantilnog kukuruza,
- 1.2 Proizvodnja krastavca - kornišona za industrijsku preradu - korisnici koji zasiju i proizvedu kornišona na površini od 0,1 do 0,19 ha i prodaju registrovanom otkupljivaču, odnosno prerađivaču najmanje 2 t kornišona za industrijsku preradu,
- 1.3 Proizvodnja merkantilnog krompira – korisnici koji zasnuju proizvodnju merkantilnog krompira na površini od 0,5 do 0,99 ha i registrovanom prerađivaču prodaju najmanje 10 t/ha krompira,
- 1.4 Proizvodnja povrća u zaštićenom prostoru – korisnici koji proizvode povrće (krastavac, paprika, paradajz) u zaštićenom prostoru (plastenici, staklenici) na površini od najmanje 200 m² i to:
 - 1.4.1 Proizvodnja povrća u zaštićenom prostoru presadnicama koje je proizveo registrovani proizvođač nabavljenim u tekućoj godini,
 - 1.4.2 Proizvodnja povrća u zaštićenom prostoru presadnicama iz vlastite proizvodnje.
- 1.5 Proizvodnja jagode u zaštićenom prostoru – korisnici koji proizvedu jagodu u zaštićenom prostoru (plastenici, staklenici i visoki tuneli) na površini od najmanje 200 m² i to:
 - 1.5.1 Proizvodnja jagode u zaštićenom prostoru sadnicama koje je proizveo registrovani proizvođač, nabavljenim u prethodnoj godini,
 - 1.5.2 Proizvodnja jagode u zaštićenom prostoru sadnicama starijim od jedne godine.
- 1.6 Otkup voća - pravna lica registrovani otkupljivači koji otkupe od proizvođača najmanje 300 tona voća proizvedenog na području Kantona.
- 1.7 Proizvodnja gljiva (šampinjoni, bukovače i šitake) – korisnici koji za proizvodnju gljiva (šampinjoni, bukovače i šitake) utroše najmanje 10 tona supstrata godišnje,
- 1.8 Proizvodnja komposta – korisnici koji su registrirani za proizvodnju komposta i koji u toku godine proizvedu i prodaju najmanje 300 tona komposta,
- 1.9 Podizanje nasada jagodičastog voća (malina, kupina, jagoda, borovnica, ribizla i aronija) - korisnici koji zasnuju nasad jagodičastog voća površine najmanje 0,1 ha u monokulturi,
- 1.10 Proizvodnja sadnica jagodičastog i bobičastog voća (sadnice jagode) – korisnici koji proizvedu sadni materijal na površini od najmanje 0,1 ha,
- 1.11 Proizvodnja krošnjastog voća – korisnici - fizička lica, koji imaju zasnovanu proizvodnju krošnjastog voća u rodu (šljiva, jabuka, kruška, trešnja i višnja) na površini od najmanje 0,5 ha (minimalno 0,1 ha po kulturi) i to:
 - 1.11.1 Proizvodnja šljive:
 - 1.11.1.1 Ekstenzivni nasad od 200 do 399 stabala šljive/ha

- 1.11.1.2 Poluintenzivni nasad od 400 do 665 stabala šljive/ha
- 1.11.1.3 Intenzivni nasad više od 666 stabala šljive/ha.
- 1.11.2 Proizvodnja jabuke:
 - 1.11.2.1 Ekstenzivni nasad od 200 do 399 stabala jabuke/ha
 - 1.11.2.2 Poluintenzivni nasad od 400 do 1249 stabala jabuke/ha
 - 1.11.2.3 Intenzivni nasad više od 1250 stabala jabuke /ha
- 1.11.3 Proizvodnja kruške:
 - 1.11.3.1 Ekstenzivni nasad od 200 do 399 stabala kruške/ ha
 - 1.11.3.2 Poluintenzivni nasad od 400 do 829 stabala kruške /ha
 - 1.11.3.3 Intenzivni nasad više od 830 stabala kruške /ha
- 1.11.4 Proizvodnja trešnje:
 - 1.11.4.1 Ekstenzivni nasad od 200 do 399 stabala trešnje/ ha
 - 1.11.4.2 Poluintenzivni nasad od 400 do 999 stabala trešnje/ ha
 - 1.11.4.3 Intenzivni nasad više od 1000 stabala trešnje /ha.
- 1.11.5 Proizvodnja višnje:
 - 1.11.5.1 Ekstenzivni nasad od 200 do 399 stabala višnje/ ha
 - 1.11.5.2 Poluintenzivni nasad od 400 do 599 stabala višnje/ ha
 - 1.11.5.3 Intenzivni nasad više od 600 stabala višnje /ha.
- 1.12. Proizvodnja jagodičastog voća i bobičastog voća – korisnici koji imaju zasnovanu proizvodnju jagodičastog i bobičastog voća na površini od najmanje 0,3 ha.

2. Animalna proizvodnja

- 2.1. Uzgoj rasplodnih junica - korisnici - fizička lica, koji uzgoje najmanje 2 junice u toku godine od teladi iz vlastitog stada, s tim da služe za proširenje vlastitog stada ili za prodaju na domaćem tržištu radi reprodukcije,
- 2.2. Uzgoj rasplodne stoke - ovce – korisnici koji u uzgoju imaju od 20 do 49 obilježenih ovaca koje služe za rasplod za potrebe vlastite farme,
- 2.3. Proizvodnja pilećeg mesa –brojleri – korisnici koji utove od 200.001 do 500.000 pilića u toku godine i isporuče ih registrovanim klaonicama, koje su u sistemu PDV-a, Novčana podrška će se odobriti za količinu utovljenih pilića od 200.001 do 500.000 pilića, odnosno za maksimalnu količinu do 299.999 pilića.
- 2.4. Proizvodnja konzumnih jaja – korisnici koji imaju najmanje 3.000 koka nosilja, a najviše 100.000 u proizvodnji u toku godine,
- 2.5. Košnice pčela, uzgoj pčelinjih zajednica – korisnici koji imaju 15-19 društava za proizvodnju meda.

3. Sredstva za isplatu dodatne podrške za obrtnike

4. Proizvodnje od interesa za Kanton

- 4.1 Proizvodnja svježeg kravljeg mlijeka - korisnici koji posjeduju minimalno tri mliječne krave, proizvedu i prodaju minimlano 500 litara mlijeka mjesečno po gazdinstvu i posjeduju ugovor sa registrovanim otkupljivačem kojem isporučuju mlijeko,

- 4.2 Zdravstvena zaštita pčela i unapređenje pčelinjeg fonda – korisnici koji imaju 15-500 društava za proizvodnju meda,
- 4.3 Podrška za unapređenje proizvodnje pilećeg mesa – korisnici koji utove najmanje 5.000 pilića, a maksimalno 500.000 u godini u vlastitim objektima, objektima za uslužni tov ili objektima uzetim u zakup u kojim se vrši uslužno hranjenje.

5. Regresiranje kamata na kredite namijenjene za otkup poljoprivrednih proizvoda –

Pravo na novčanu podršku imaju pravna lica kojim je odobren kredit za otkup viškova biljnih i animalnih poljoprivrednih proizvoda proizvedenih na području Kantona za koji korisnik plaća do 2 % i od 8,5 % do 10 %, a razliku od 2 % do 8,5% ugovorene kamate na godišnjem nivou plaća Ministarstvo.

6. Podrška organizatorima proizvodnje u kooperaciji otkupa proizvoda iz kooperacije i prodaja tih proizvoda (kornišon)

Pravo na novčanu podršku imaju pravna lica koja organizuju člansku i kooperativnu proizvodnju i otkup kornišona na području Kantona u minimalnoj količini od 60 tona.

B) MODEL KAPITALNIH ULAGANJA

Model kapitalnih ulaganja obuhvata novčane podrške kroz sufinansiranje:

1. Nabavka nove opreme u animalnoj i biljnoj proizvodnji i to:

- 1.1. Nabavku nove opreme u stočarskim objektima (sistem za hranjenje i napajanje, podloga za ležišta, sistem za izdubavanje-skreper, sistem za separaciju stajnjaka, ventilacija, sistem za zagrijavanje objekta, kavezi za koke nosilje, oprema za izuzimanje i klasiranje jaja) i nabavka panela i rashladnih uređaja u hladnjačama.
- 1.2 Nabavku električnih pastira sa pripadajućom opremom za čuvanje i ograđivanje stoke i zaštitu biljnih usjeva: izvor napajanja, žica ili sajla, izolator, kleme, spajalice za žicu, uzemljenje.

Pravo na novčanu podršku pod 1.1 imaju korisnici koji se bave poljoprivrednom proizvodnjom, pri čemu se podstiče 25% investiranih sredstava.

Minimalan iznos investicionog ulaganja iznosi 10.000,00 KM.

Maksimalan iznos novčane podrške iznosi 60.000,00 KM.

Korisnik može podnijeti samo jedan zahtjev za ostvarivanje prava na novčanu podršku za nabavku opreme u animalnoj i biljnoj proizvodnji pod 1.1.

Pravo na novačnu podršku pod 1.2 (nabavka električnih pastira) ima klijent koji nabavi električni pastir za minimalnu površinu od 1 ha, pri čemu se podstiče 70 % investiranih sredstava.

2. Izgradnja sistema protivgradne zaštite

- 2.1 Izgradnja sistema protivgradne zaštite – pravo na novčanu podršku imaju općine Teočak, Sapna i Kalesija,
- 2.2 Nabavka raketa za sistem protivgradne zaštite - pravo na novčanu podršku imaju općine/gradovi za maksimalno 12 nabavljenih raketa po jednom lanseru.

3. Sufinansiranje nabavke plastenika i visokih tunela

- 3.1 Nabavka plastenika i visokih tunela - pravo na novčanu podršku u okviru ovog modela imaju korisnici koji nabave plasteničnu površinu minimalne površine 100 m², odnosno visoki tunel minimalne površine 1000 m²,
- 3.2 Nabavka najlona za plasteničnu površinu ili visoki tunel minimalne površine 200 m², debljine minimalno 200 mikrona.

Pravo na novčanu podršku za nabavku najlona imaju korisnici koji se prema podacima iz Registra poljoprivrednog gazdinstva bave plastičkom proizvodnjom i koji u posljednje tri godine nisu ostvarili pravo na novčanu podršku za nabavku najlona.

Iznos novčane podrške po zahtjevu korisnika iznosi 70 % investiranih sredstava.

Maksimalan iznos novčane podrške za nabavku plastenika/visokog tunela iznosi 5.500 KM, a za nabavku najlona za platenik/visoki tunel 3.000,00 KM.

4. Sufinansiranje izgradnje sistema za navodnjavanje

Pravo na novčanu podršku u okviru ovog modela imaju korisnici koji izgrade sistem za navodnjavanje poljoprivrednih površina (rasadnička proizvodnja) - minimalne površine 2 ha.

5. Sufinansiranje nabavke rasplodne stoke-junice

Pravo na novčanu podršku imaju korisnici koji nabave minimalno 3, a maksimalno 20 visoko kvalitetnih rasplodnih grla – junice od pravnih lica sa prostora Bosne i Hercegovine ili iz uvoza.

C) MODEL OSTALIH VRSTA PODRŠKI

Model ostalih vrsta podrški obuhvata novčane podrške za:

1. Sufinansiranje realizacije projekata od značaja za Kanton i to:

1.1 Sufinansiranje stručnih publikacija, stručno usavršavanje kadrova iz poljoprivrede i razvoj asocijacije poljoprivrednih proizvođača,

1.2 Podrška TV emisijama o poljoprivredi i promocija domaćih proizvoda Televizijama sa područja Tuzlanskog kantona.

Sufinansiranje podrške TV emisijama o poljoprivredi i promociji domaćih proizvoda vršit će se u iznosu maksimalno do 50 % od iznosa sredstava potrebnih za realizaciju projekta, a maksimalan iznos novčane podrške iznosi 20.000,00 KM za javne emitere i 5.000,00 KM za privatne televizije.

D) USLUGE ODRŽAVANJA SOFTVERA ZA PRAĆENJE ULAGANJA I ANALIZU ULAGANJA U OBLAST PODRŠKE POLJOPRIVREDI I RURALNOM RAZVOJU U 2024. GODINI

E) SUDSKE PRESUDE, RJEŠENJA PO ŽALBAMA I RJEŠENJA IZ PRETHODNIH GODINA

Ostvareno pravo u ponovljenim postupcima provedenim po pravosnažnim sudskim presudama iz oblasti novčanih podrški iz prethodnih godina i pravosnažnim rješenjima donesenim u drugostepenom postupku po žalbama, kao i ostvareno pravo po osnovu Programa iz prethodnih godina, koje zbog administrativnih poteškoća nije realizovano.

VI

Raspored sredstava za novčane podrške u poljoprivredi i ruralnom razvoju u 2024. godini vršit će se po sljedećim oblastima i vrstama:

R/b	Vrsta podrški	Jedini ca mjere	KM/ jedinici mjere	Plan podrški	
				Obim proizvodnje /jedinica mjere	Ukupan iznos / KM
1	2	3	4	5	6
A) MODEL PODRŠKE PROIZVODNJI					
1. BILJNA PROIZVODNJA					
1.1	Proizvodnja merkantilnog kukuruza	ha	700,00	357,00	249.900,00
1.2	Proizvodnja krastavca- kornišona za industrijsku preradu	kg	0,21	800.000,00	168.000,00
1.3	Proizvodnja merkantilnog krompira	kg	0,20	200.000,00	40.000,00
1.4	Proizvodnja povrća u zaštićenom prostoru				
1.4.1.	Proizvodnja povrća u zaštićenom prostoru presadnicama koje je proizveo registrovani proizvođač nabavljenim u tekućoj godini	m ²	3,00	120.000,00	360.000,00
1.4.2.	Proizvodnja povrća u zaštićenom prostoru presadnicama iz vlastite proizvodnje	m ²	2,00	140.000,00	280.000,00
1.5	Proizvodnja jagode u zaštićenom prostoru				
1.5.1	Proizvodnja jagode u zaštićenom prostoru sadnicama koje je proizveo registrovani proizvođač, nabavljenim u prethodnoj godini	m ²	3,00	290.000,00	870.000,00
1.5.2.	Proizvodnja jagode u zaštićenom prostoru sadnicama starijim od jedne godine	m ²	2,20	300.000,00	660.000,00
1.6	Otkup voća	t	75,00	4.800,00	360.000,00
1.7	Proizvodnja gljiva	t	75,00	4.150,00	311.250,00
1.8	Proizvodnja komposta	t	70,00	3.250,00	227.500,00
1.9	Podizanje nasada jagodičastog voća (malina, kupina, jagoda, borovnica, ribizla i aronija)	ha	7.200,00	3,00	21.600,00
1.10	Proizvodnja sadnica jagodičastog i bobičastog voća (sadnice jagode)	kom	0,06	2.180.000,00	130.800,00
1.11	Proizvodnja krošnjastog voća -šljiva, jabuka, kruška, trešnja i višnja				
1.11.1	Proizvodnja šljive				
1.11.1.1	Proizvodnja šljive - ekstenzivni nasad	ha	880,00	460,00	404.800,00
1.11.1.2	Proizvodnja šljive - poluintenzivni nasad	ha	1.430,00	635,00	908.050,00
1.11.1.3	Proizvodnja šljive - intenzivni nasad	ha	1.870,00	235,00	439.450,00
1.11.2	Proizvodnja jabuke				
1.11.2.1	Proizvodnja jabuke - ekstenzivni nasad	ha	880,00	15,00	13.200,00
1.11.2.2.	Proizvodnja jabuke - poluintenzivni nasad	ha	1.870,00	21,00	39.270,00
1.11.2.3	Proizvodnja jabuke - intenzivni nasad	ha	3.300,00	132,00	435.600,00
1.11.3	Proizvodnja kruške				
1.11.3.1	Proizvodnja kruške - ekstenzivni nasad	ha	880,00	5,00	4.400,00
1.11.3.2	Proizvodnja kruške - poluintenzivni nasad	ha	1.650,00	17,00	28.050,00
1.11.3.3.	Proizvodnja kruške- intenzivni nasad	ha	2.750,00	115,00	316.250,00
1.11.4	Proizvodnja trešnje				
1.11.4.1	Proizvodnja trešnje - ekstenzivni nasad	ha	880,00	11,00	9.680,00

R/b	Vrsta podrški	Jedini ca mjere	KM/ jedinici mjere	Plan podrški	
				Obim proizvodnje /jedinica mjere	Ukupan iznos / KM
1	2	3	4	5	6
1.11.4.2	Proizvodnja trešnje -poluintenzivni nasad	ha	1.650,00	12,00	19.800,00
1.11.4.3	Proizvodnja trešnje intenzivni nasad	ha	2.420,00	5,00	12.100,00
1.11.5.	Proizvodnja višnje				
1.11.5.1	Proizvodnja višnje - ekstenzivni nasad	ha	880,00	5,00	4.400,00
1.11.5.2	Proizvodnja višnje - poluintenzivni nasad	ha	1.650,00	3,00	4.950,00
1.11.5.3	Proizvodnja višnja- intenzivni nasad	ha	1.870,00	7,00	13.090,00
1.12	Proizvodnja jagodičastog i bobičastog voća	ha	2.400,00	13,00	31.200,00
2.	ANIMALNA PROIZVODNJA				
2.1	Uzgoj rasplodnih junica	grlo	1000,00	1.300,00	1.300.000,00
2.2	Uzgoj rasplode stoke - ovce	kom	35,00	8.000,00	280.000,00
2.3	Proizvodnja pilećeg mesa -brojleri	kljun	0,25	1.747.000,00	436.750,00
2.4	Proizvodnja konzumnih jaja	kljun	2,40	120.000,00	288.000,00
2.5	Košnice pčela, uzgoj pčelinjih zajednica	kom	15,00	13.651,00	204.765,00
3.	SREDSTVA ZA ISPLATU DODATNE PODRŠKE ZA OBRITNIKE				350.000,00
4.	PROIZVODNJE OD INTERESA ZA KANTON				
4.1	Proizvodnja svježeg kravljeg mlijeka	l	0,10	28.258.000,00	2.825.800,00
4.2	Zdravstvena zaštita pčela i unapređenje pčelinjeg fonda	kom	10,00	31.220,00	312.200,00
4.3	Podrška za unapređenje proizvodnje pilećeg mesa	kljun	0,04	5.200.000,00	208.000,00
5.	REGRESIRANJE KAMATA				
5.1	Regresiranje kamata na kredite namijenjene otkupu poljoprivrednih proizvoda				34.100,00
6.	PODRŠKA ORGANIZATORIMA PROIZVODNJE				
6.1	Podrška organizatorima proizvodnje u kooperaciji otkupa proizvoda iz kooperacije i prodaja tih proizvoda (kornišon)	kg	0,12	800.000,00	96.000,00
B)	MODEL KAPITALNIH ULAGANJA				
1.	Nabavka nove opreme u animalnoj i biljnoj proizvodnji				
1.1	Nabavka nove opreme u animalnoj i biljnoj proizvodnji – oprema u stočarskim objektima, paneli i rashladni uređaji u hladnjačama				27.020,00
1.2.	Sufinansiranje nabavke električnih pastira				40.850,00
2.	Izgradnja sistema protivgradne zaštite				
2.1	Izgradnja sistema protivgradne zaštite (Teočak, Sapna i Kalesija)	kom			309.150,00
2.2	Nabavka raketa za sistem protivgradne zaštite	kom			90.000,00

R/b	Vrsta podrški	Jedini ca mjere	KM/ jedinici mjere	Plan podrški	
				Obim proizvodnje /jedinica mjere	Ukupan iznos / KM
1	2	3	4	5	6
3.	Sufinansiranje nabavke plastenika i visokih tunela				
3.1	Sufinansiranje nabavke plastenika i visokih tunela	kom			130.000,00
3.2	Sufinansiranje nabavke najlona za plastenike i visoke tunele	m ²			64.000,00
4.	Sufinansiranje izgradnje sistema za navodnjavanje				
5.	Sufinansiranje nabavke rasplodne stoke - junice	grlo	800,00	355,00	284.000,00
C) MODEL OSTALIH VRSTA PODRŠKI					
1.	Sufinansiranje realizacije projekata od značaja za Kanton				
1.1	Sufinansiranje stručnih publikacija, stručno usavršavanje kadrova iz poljoprivrede i razvoj asocijacija poljoprivrednih proizvođača				16.045,00
1.2	Podrška TV emisijama o poljoprivredi i promocija domaćih proizvoda Televizijama sa područja Tuzlanskog kantona				40.000,00
D) USLUGE ODRŽAVANJA SOFTVERA ZA PRAĆENJE ULAGANJA I ANALIZU ULAGANJA U OBLAST PODRŠKE POLJOPRIVREDI I RURALNOM RAZVOJU U 2024. GODINI					15.000,00
E) SUDSKE PRESUDE, RJEŠENJA PO ŽALBAMA I RJEŠENJA IZ PRETHODNIH GODINA					
1.	Ostvareno pravo po pravosnažnim sudskim presudama iz oblasti novčanih podrški iz prethodnih godina i pravosnažnim rješenjima donesenim u drugostepenom postupku po žalbama, kao i ostvareno pravo po osnovu Programa iz prethodnih godina, koje zbog administrativnih poteškoća nije realizovano.				30.000,00
UKUPNO					13.800.000,00

VII

Za realizaciju Programa zadužuje se Ministarstvo poljoprivrede, šumarstva i vodoprivrede.

VIII

Program stupa na snagu danom donošenja, a bit će objavljen u "Službenim novinama Tuzlanskog kantona".

BOSNA I HERCEGOVINA
Federacija Bosne i Hercegovine
TUZLANSKI KANTON
V L A D A

Broj: 02/1-11-17623-1/24
Tuzla, 19.07.2024. godine



PREMIJER KANTONA

Irfan Halilagić